

Broj: 01-11-12-2036-8/24
Sarajevo, 10.12.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-12-399-3/24 od 20.11.2024. godine, Odluke o pokretanju otvorenog postupka zajedničke javne nabavke usluga - „Izrada baze podataka katastra komunalnih uređaja Kantona Sarajevo (konverzija podataka)“, broj: 01-11-12-2036/24 od 10.10.2024. godine, te preporuke Komisije za zajedničku javnu nabavku, date u Zapisniku o ocjeni ponuda, broj: 01-11-12-2036-7/24 od 03.12.2024. godine, direktor Federalne uprave za geodetske i imovinsko-pravne poslove d o n o s i

O D L U K U

o izboru najpovoljnijeg ponuđača za zajedničku javnu nabavku usluga – „Izrada baze podataka katastra komunalnih uređaja Kantona Sarajevo (konverzija podataka)“

I

Prihvata se preporuka Komisije za provođenje otvorenog postupka zajedničke javne nabavke usluga - „Izrada baze podataka katastra komunalnih uređaja Kantona Sarajevo (konverzija podataka)“, data u Zapisniku o ocjeni ponuda, broj: 01-11-12-2036-7/24 od 03.12.2024. godine, da se za najpovoljniju ponudu prihvati ponuda Grupe ponuđača: GEOMETRIKA d.o.o. Grude i IT SYSTEMS d.o.o. Sarajevo.

II

Grupi ponuđača: GEOMETRIKA d.o.o. Grude i IT SYSTEMS d.o.o. Sarajevo, u skladu sa Ponudom, broj: 27-11-01/24 od 22.11.2024. godine, i cijenom ponude u iznosu od 367.520,00 KM bez PDV-a, odnosno u ukupnom iznosu od 429.998,40 KM sa PDV-om, dostavit će se prijedlog okvirnog sporazuma za javnu nabavku usluga - „Izrada baze podataka katastra komunalnih uređaja Kantona Sarajevo (konverzija podataka)“.

III

Izabrana Grupa ponuđača: GEOMETRIKA d.o.o. Grude i IT SYSTEMS d.o.o. Sarajevo je uz ponudu dostavila svu traženu dokumentaciju i kvalifikacijske dokaze iz izjava, odnosno iz uslova propisanih tenderskom dokumentacijom u ovom postupku zajedničke nabavke usluga.

IV

Ova Odluka dostavit će se izabranoj Grupi ponuđača: GEOMETRIKA d.o.o. Grude i IT SYSTEMS d.o.o. Sarajevo u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

Ova Odluka stupa na snagu danom donošenja.

Obrazloženje

Na temelju Zakona o javnim nabavkama („Službeni glasnik BiH“, br. 39/14, 59/22 i 50/24) i Plana nabavki za 2024. godinu, broj: 01-11-12-399-3/24 od 20.11.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-2036/24 od 10.10.2024. godine, pokrenula otvoreni postupak zajedničke javne nabavke usluga - „Izrada baze podataka katastra komunalnih uređaja Kantona Sarajevo (konverzija podataka)“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-35-3-59/24 od 10.10.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-2036-1/24 od 10.10.2024. godine, koja je o istom sačinila Zapisnik o zaprimanju ponuda, broj: 01-11-12-2036-4/24 od 27.11.2024. godine, Zapisnik o otvaranju ponuda, broj: 01-11-12-2036-5/24 od 27.11.2024. godine i Zapisnik o ocjeni ponuda, broj: 01-11-12-2036-7/24 od 03.12.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 27.11.2024. godine u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponude:

- 1) Grupa ponuđača: GEOMETRIKA d.o.o. Grude i IT SYSTEMS d.o.o. Sarajevo

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda Grupe ponuđača: GEOMETRIKA d.o.o. Grude i IT SYSTEMS d.o.o. Sarajevo.

Pregledom i analizom navedene ponude, Komisija je konstatovala da je zaprimljena ponuda dostavljena na način propisan tenderskom dokumentacijom, da je cijena ponude u iznosu koji je neznatno niži od procijenjene vrijednosti nabavke ove vrste usluga, zatim da je Grupa ponuđača: GEOMETRIKA d.o.o. Grude i IT SYSTEMS d.o.o. Sarajevo kvalifikovana za pružanje predmetnih usluga, te da je uz ponudu dostavljena sva obligatorna dokumentacija propisana tenderskom dokumentacijom, kao i svi kvalifikacijski dokazi.

Komisija je također utvrdila da ponuda ne sadrži formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga predvidio postupak E-aukcije, međutim imajući u vidu da je zaprimljena samo jedna prihvatljiva ponuda, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu okvirnog sporazuma, kako je to propisano tačkom 3.6. tenderske dokumentacije, Komisija je ocijenila da je ponuda Grupe ponuđača: GEOMETRIKA

d.o.o. Grude i IT SYSTEMS d.o.o. Sarajevo formalno-pravno i tehnički prihvatljiva, te da ispunjava sve uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za zajedničku javnu nabavku usluga - „Izrada baze podataka katastra komunalnih uređaja Kantona Sarajevo (konverzija podataka)“.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda, broj: 01-11-12-2036-7/24 od 03.12.2024. godine, da se za najuspješniju ponudu u otvorenom postupku zajedničke javne nabavke usluga - „Izrada baze podataka katastra komunalnih uređaja Kantona Sarajevo (konverzija podataka)“ prihvati ponuda Grupe ponuđača: GEOMETRIKA d.o.o. Grude i IT SYSTEMS d.o.o. Sarajevo, a koja ponuda je ocijenjena kao prihvatljiva, formalno-pravno i tehnički kvalifikovana, te ujedno najpovoljnija, sa cijenom ponude u iznosu od od 367.520,00 KM bez PDV-a, odnosno u ukupnom iznosu od 429.998,40 KM sa PDV-om.

U analizi provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je odlučio kao u dispozitivu ove Odluke.

Pouka o pravnom lijeku: U skladu sa odredbama člana 101. stav (1) Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).




DIREKTOR

Željko Obradović, dipl.ing.geod.

Prilog: Zapisnik o ocjeni ponuda

DOSTAVITI:

1. GEOMETRIKA d.o.o. Grude (Lider grupe);
2. Zavod za izgradnju Kantona Sarajevo;
3. Sektor za katastar – o v d j e;
4. U spis.

